



**СПОРТ**  
Армрестлингх  
котбаьнарашта  
совгаташ делар

16



**ИАЛАМ**  
Бокъонах доацаш,  
хьу тийда  
моттиг хиннай

12

# СЕРДАЛО

WWW.SERDALO.RU

ГІАЛГІАЙ МЕХКА КЪАМАН ЮКЪАРА ГАЗЕТ

№42 (12619)  
Лайчилла  
бутт,  
2 ди, 2023 шу



Газет арадувл 1923-ча шера  
маьтсела бетта 1-ча дийнахьа денз



1973-ча шера  
«Сердало»  
газета  
«Сийлен хьарак»  
яха орден  
еннай



**ЛОАМЕ**  
Діадахача бляшперен  
Гіалаш тоаеш латт  
ГіалгІайче

3



**МАЪЛ**  
Тоадаь доалаш латт,  
1992 шера хиннача  
хатарах байнача наьха  
кашамаш

4



**ЛОАЛАХОЙ БОЛЧА**  
Шин республикан  
миннацаша дийцар,  
Пригородни кхаленца  
дувзаденна дешаш

6



**УНАХЦІЕНО**  
ГіалгІайчен кьона  
эскархой Москверча  
кхетачен доакъашхой  
ба

7



**ДЕШАР**  
«Дошо гуйре» -  
берката цай

11

www.serdalo.ru @gserdalo vk.com/gserdalo Дзен сердало



**Халкъа дагалоаттама дозал**  
1992 шера гурахъа хиннача хатарах,  
байна нах дагалаьцар ГіалгІайче

2



**Кинон  
цІай**

«Дошо Гіала»  
яха дунен  
халкъашта юкъера  
кинофестиваль  
дІайихьар вай  
республике

10



## Халкъя дагалоаттама дозал

1992 шера гурахъя хиннача хатарах, байна нах дагалаьцар Галгъайче

**Султиганъкъан Йоакъап**

Дега чов еш йолча кхетаче-не дакъа лоацаш хилар паччахъалкхен, Гаьдала балхаш тIара, бе-беча урхаллений, къахъегама цъханкетарий викалаш, парламента депутаташ, юкъярча балха дакъа лоацараш, дин викалаш, республикан шахъарий, юртий бахархой.

Гулбеннараша белгалдир, фусамех бехача наьха массе

оагIорахъара бокъонаш меттаоттае езаш хилар, иштта уж шоаш баьхача Пригородни кхален доазон тIа цабахийта безаш хилар.

Цу хана хинна хатар дагаухаш, митинга доакъашоша белгалдир, вай мехка бахача массе къаман нахаца барт болаш хила дезилга, лоалахошцара машар лелабе безилга.

Цу лостамагIа мехка Гаьдало боагIаш бола болх дIахьу. Иштта дийцар, таханарча хана латташ йолча политиках, уж

хаттараш чоалханеча хана кхоачашдарах, къамашта юкъяра хатараш теркама юкье хила дезилгах.

Укхаса гулбеннараша ийицар, шоай дегаш тIа йиса човнаш, 1992 шера хатар хилча, хIара дезала из Iеткъа хилар, гаргарча нахах къаьста дукха нах бисар.

Ткъаь итт шера совгIа, халонаш озаш баьхаб цигара беха Галгъай, цаьккха а ерзаргIоаца чов хиннай цар дегашта.

Наха белгалдора, шоаш кхай-

карал деш, къам цу халонашта духъальоттар, республикан хургдола сийрда вахар тахан хъакхоллаш хилар.

Кхоанен керттера декхар – нах шоаш баьхача фусамашка, шоай мехка цабахийтара эшаш дола хъалаш хъакхоллар; массаза а дешаца, Гулакхаца, къамашта, бе-беча дин викалашга юкъяра машар лорабар.

Пригородни кхале байна-рех бола дагалоаттам лорабеш; Галгъайче чоагIа я ший хъаькъалца, ценача къахъегамца,

ший бахархошца цъхана; дика Гулакхаш леладарца, ший мохк дика дегIабоалабарца.

Дагалоаттама болам йистебоалаш, 1992 шера гурахъя байнарашга, иштта таханалца мичаб ца ховш, де доацаш байнарашга тIера дуIаш деш, ламазаш дир. Цар дезалашга, гаргарча наха, республикан кулгалхо-чо Келаматанъкъан Махъмуд-Гаьлас тIадилача декхарах, ахчанца уж хъаллаьцар, новкъо-стал дир.



## Мехкадаьца кхетаче хилар Паччахъалкхен Думан вайцигарча депутатий

**Газданаькъан Ахъмад**

Сенаторий Хамченаькъан Билана, БIарахой Мухарбика, Паччахъалкхен Думан депутатий Татренаькъан Муслима, БIарахой Бек-хана кхетаче хилар, Галгъайчен кулгалхочунца Келаматанъкъан Махъмуд-Гаьлаца. Фе-

деральни Гуллама лакхерча, лохерча палатай моттигерча викалашца дийцар республикан Кулгалхоцо, Галгъай паччахъалкхен 100 шу дузаш хилара Ди дезде е езача кийчонах. Из хоам бир «Сердало» газетага Галгъай кулгалхочун, паччахъалкхен зарбан болх лелабераша.

«БIаь шу дизара цай дездергда, доккха цъханкетараш дIахьош, цар дагабохийтаргба бахархошта цу ден лоархIам. Парламента болх дIахьош хиларал совгIа, оаш а дика дакъа лоац республикан вахаре. Из бахъан долаш, аз шоана баркал оал, республикан хъашташ кхоачашде

шо массаза кийча хиларах. Вай декхар да 100 шу хъалха республика хъакхоллаш дика дакъа юкъеденарий, берригача цихезача Галгъай цIераш малхаяхар.

Из дагалоаттам вайца хила беа даим», - аьлар Келаматанъкъан Махъмуд-Гаьлас, ше парламента депутаташца къа-

маьл деш. Белгалдаккха деза, тахан Галгъайче дика къахъегаш я паччахъалкхен лаьрхIа комисси, цо тайп-тайпарча архивни каьхаташга тохкам а бу, уж гулдеш а ба уж даиман. Комисси кийчъеш я исторически документальни фильмаш хъакхоллара кIийле.



## Діадахача бляшерен глалаш тоаеш латт Галгайче

Ужаханаькъан Хьамзат

Галгай Республикан кулгалхо Келаматанаькъан Махьмуд-Іаьла, «Сафмар» яхача дикача гулакхий ганз хьакхелла Гуцаранаькъан Микаил баха хилар, республикерча лоаман даькъ тІа уллача діадахача бляшерен глалай Ний оалача юртага хьажа. Укхаза глалаш тоаеш дола дукха балхаш да длахьош. «Сердало» газета яздаь ма хиллара, ший дикача гулакхий проекта чудоагІаш, Россез вьзаш волча маьл хургбола гулакахаш карагІудувлача

Гуцаранаькъан Микаила лаьрхІар, гІалгІай къаман дІаяхача заман чухь кхерах хьалхь латта гІалаш тоае.

«Укхаза цхьаккха кІалха кІийле йолаш хІама дац, е из пайда бар духьа деш а дац. Гуцаранаькъан Сафарбика Микаила лаьрхІад, ший къаман совгІат де. Вайгара эшар да, из дика гулакх хьалла-цар», - аьлар Келаматанаькъан Махьмуд-Іаьлас. Ний яхача дІаяхача заман юрта гІалгІай доккхача Йовлой тайпан овла ба. Цудухьа тамаш елга дац; мехка кулгалхо, цІихеза охло

цу тайпан наха дика гІаэцарах. Йовлой тайпан боккхагІбараша баркал аьлар Келаматанаькъан Махьмуд-Іаьланна, Гуцаранаькъан Микаила, гІалгІай гІалаш тоаеш цар болх длахьош хиларах. Цар иштта белгалдир, гІалгІай этнокультуран тІехьале лораяра накьадоалаш хиларал совгІа, из гулакх къаман барт-цхьоагІо чІоагІдеш хилар.

Белгалдаккха дезаш да, гІалгІай къаман мах бола ганз - гІалаш тоаяра балха говзал лакха йола гІишлонхой бийха хилар. Келаматанаькъан Махьмуд-Іаьлас гулбеннарий

теркам гІаэзар, укхаза кхы кердача хІамах пайда эцаш цахилара, Іохаьрца гІалаш меттаоттаярга дІадолхараш цун ший кхертІой да, уж хьагулдаьд гІишлонхоша шоаш, къаьнарча юртан доазон тІара. Вай даьй кулгаша царех хІара кхера бІохабаь хилара истори кердадоалаш да. Царна бІарахьежача дагадох, хІара кхера хьокхаш, нийсбеш, ишттал чІоагІа а лакха а гІала мишта хьалхеттай-хьогІ вай даьша, аьле, уж бляшерашка латташ хиларо цецвоаккх. Меттаоттаяьча гІалаша шоай юхьанцара кеп хьаййцай. ХІанз

гІишлонхой къахьегаш ба кораш, наІараш тайп-тайпарча бІехалах цІендеш. ГІишлонхой кергтера декхар да, ма хулла чІоагІа а хьалхарча кепара а уж хилийтар.

«Сафмар» яхача дикача гулакхий ганзо ахча деннадар дІадахача шера Ний яхача юртага гІалаш тоае. Келаматанаькъан Махьмуд-Іаьлас, Гуцаранаькъан Микаила теркам тІабохийташ, хІанз цигарча шоллагІча даькъа болх йистебоалаш латт. Карарча хана, тоаяь яьннай тІема йиь гІала, царех цаІ ах тІема гІала я, 13 ахангахьа кхоачаш Іохаьрца гІалаш, шиь Даьла хьоахавеш хинна элгацаш, 14 маьлхара каш», - аьлар «Сердало» газетага ГалгІайчен кулгалхочун а паччахьалкхен а зарбан болх лелабераша. Гуцаранаькъан Микаила Ний яхача гІалай юрта гулбеннарашга дийцар, паччахьалкхено тІахьожам латтабеш, дикагІа бола архитектуран пхьараш юкьеэза, из болх длахьош хиларах. Санкт-Петербурга проекташ еча институту из план оттаяь хиларах тарра, даим тІахьожам латтабу гІалаш меттаоттаяра гулакаха. Йовлой тайпан нахаца ше къамаьл деш, Гуцаранаькъан Микаила белгалдир, гІалгІай къаман дІадахача бляшерен гІалаш, ЖІайрахьа кхале мел яраш, ше тоае лаьрхІа хилар.

Из болх шоаш, Махьмуд-Іаьлаца дийна мел ба, цахаддаш хьабе безаш ба», - аьлар цо. Белгалдоаккх, «Сафмар» яхача дикача гулакхий ганза ахча, ер шу йистедалалехь, Морч, Хьарп яха гІалаш тоаяь яргхилар. Тахан лоаман ГалгІайче вІашагІделла дика, кхоана вай тІехьенна накьадаргда, из вай даьй тІехьале я.

## ЦІенхаштта тоадаьд заІапхой долча берий ца-интернат

ГІазданаькъан Ахьмад

Шолжа кхалерча Эбарга-Юртага могош доацача берий ца-интернат тоадаь даьлар. Из тоадир «Сафмар» яхача дикача гулакхий ганза керте латтача Гуцаранаькъан Микаила новкъосталца. Цига ваха хилар, баьча балхага хьажа дагахьа, ГалгІайчен кулгалхо Келаматанаькъан Махьмуд-Іаьла.

«Со хиннавар укхаза масехк шу хьалха. Цу хана е хий а е вахара хьалаш а дацар укхаза, бадаш болча унахошк хьажара лелабеш тишбенна къаьнара гІирс бар, хІаьта гІишло ше хІаманна пайдана йоацача яьннай. Из оаха дийцар Гуцаранаькъан Микаилаца, из кастлуш ше вахар цига хьажа. Цигара вахара хьалаш бІаргадайначул тІехьагІа, цо, кхы тІехьа ца тотташ, из моттиг тоае лаьрхІар», - аьлар мехка кулгалхочо. ХІанз укх сахьате, цига леладеш да гет-

тара хала лазараш дола цхьа ткъаьх бер.

Из ца-интернат тоадара «Сафмар» яхача ганзо дика ахча дІадахийтад. Из гІишло а цунна чуйоагІаш йола моттигаш а йовзаргІоацача яьхай, селлара хоза тоаяь. Гонхьара доазув чудерзадаьд, хица дувзаденна хинна кхоачамбоацараш а юстардаьхад, цу гулакаха укхаза кхьметел Ростовеера ера ши метр лакха йола хий лоаттадеш йола гІув. Цига эшаш йола мебель, гІирсаш ийцад. Вордигашца мара лелалуш боацарашга лаьрхІа никъ биллаб, укхаза могош доаца бераш хилар теркал а деш, цІено яра моттигаш керда оттаяь, начІас дІауха моттигаш хийцай.

Цу тІа а соцаргдац дІадоладаь из дика гулакх, яхаш, дийцар Гуцаранаькъан Микаила. Могош доацача берашга деш дола новкъостал боарам боацаш хила деза, Далла деш дола гулакх санна. «Нагахьа санна

тІехьара тІа дехараш хуле, тхо хьожаргда уж а кхоачашде.

Тхона доккха хІама дац, хІаьта берашга а цига болх берашга а из ца хилча даргдоацар да, укхаза лоархІаме дар ахча дац. Эшаш дар

ІотІаяздийя, каьхат хьачуда, оаха из кхоачашдергда. Кергтердар да укхаза дІахьош дола балхаш дикал йолаш а бокьонах хила дезача беса а хилар. ХІанз укх сахьате, цагІа-интернате хий хьадоагІа, начІас дІауха мот-

тиг я, бакьда кхы а дукха да де деза балхаш. Кергтерча балхех цаІ ба даар кийчду моттиг дикал йолаш хилийтар, еррига гІишло лерттІа тоаяь хилар», - аьлар цу дикача гулакаха рузкъа кходеш воацача сага.



## 4 МАЪЛ

## Тема операцен юкье вахар хаьдарашта хетаяьй боксах йола яхь

Гаьгенаькъан Мартина

Украине дIахьоча тIема операцен юкье вахар хаьдача бIухошта хетаяь, кхаь денах латта боксах йола яхь дIахьоргья вай республике. Спортаца бувзам лелабеча вай мехкарча кагирхоша хьаллаьцар из Гулакх. Из хоам «Сердало» газетага бу яхь вIашагIеллараша.

«Шоай спортацара кийчо хьагойтар хьалхарча дийнахьа 100 совгIа спортсмена. Кагирхой Гулакхех йолча комитета бийха, цига дакъа лоацаш бар ММА латархо вола Емельяненко Александр, «Беркут-юг» ОМОНа воксхагIвола психолог Доврбиканаькъан Хьасан. ВIашагIхетар дIадахьа тIадиллар спортивни латарох йолча вай мехкарча федерацен вице-президент волча Янданаькъан Аптена», - йоах тхога бенача хоамо.

«ГIалгIай мехкарча кагирхой спортацарча бувзам дувцаш хеза ва со. ЛаьрхIа кхайкIа, се укхаз хьавехар а дика хет сона. Гуш да, Кавказе кхийнача кагирхой низ ший тайпара болга», - аьлар Емельяненко Александра. Белгалдаккха деза, кагирхошта юкье спорт йоаржаярах йола яхьаш физически культурах йолча министерствос хьаллоацаш дIахьош йолга.



## Тоадаь доалаш латт, 1992 шера хиннача хатарох байнача наьха кашамаш

ГIазданаькъан Ахьмад

Тоадаь йистедала доахк 1992 шера хатар хиннача хана байнача наьха «ГIоазота кашамаш». Цига дIабехка боахк, хIирашта-гIалгIашта юкье хатар хиннача хана, боабь нах. Ардара бетта 30-ча дийнахьа цига кашамашка маьл кхайкабе а, шоай байнараш дагалаца а нах вIашагIкхийттабар, хIаьта иштта цига хиннаб ГIалгIайчен кулгалхо Келаматанаькъан Махьмуд-Иаьла, «Сафмар» ганза кулгалхо Гуцаранаькъан Микаил, из ганз я цIаккха а дицлургдаоача цу ийрчача деношка боабьча наьха кашамаш тоадара новкъостал дер.

«ГIоазота кашамаш» санна йола моттиг тоаяр лоархIаме да, къаман дагалоаттам а исторически тIехьале а лораяра. Хьал-

харча арIагIа уж ба вай дог, вай са, вай дагалоаттам, вай лазар. Вай дагалоаттабу цу хатара юкье байнараш; де доацаш байнача, таханалцца лохаш болча наьха цIераш. Из эггара лоархIамеIа да - цу тайпара уж дагабоагIаш хилар дIагойтар», - аьлар Гуцаранаькъан Микаила. 1992 шера байнарий гIоазота кашамашка дикка хувцамаш хиннад. Царна юкье да еррига карт тоаяь хилар, лаьтта шаьрдар, ламазаш деча цIен ченаш, Iолохвала йиш йола кхоаленаш кердаяхар, коаналараш хувцар, коа брусчатка оала кхера Iотохар, кастлуш укхаз электронни улг а хургда.

«Оаха тхоашта могоар даьд Мемориал дагалоаттама лертIа моттиг хилийтара. Кхьича республикашка нах, цхьайолча хана, шоаш тIехьоалаш юха а сайце, хьачубоагIа укхаз. Бакьда, хIанз вайна ма хеттара хоза, лостам болаш ер моттиг тоаяь-



чул тIехьарIа, цу наьха а таро хургья, укхаз хьачубахарал совгIа, 1992 шера хатар хиннача хана байнарий тайпан цIерашго, цу денах лаьца дукхагIа довза», - аьлар ГIалгIайчен кулгалхочо Келаматанаькъан Махьмуд-Иаьлас. Мехка кулгалхочо «Сафмар» ганзаца айхха

бувзам лелабаро ший пайда бахь. Ер Мемориал тоаярца йистедалаш дац, тахан вайца боацарех бола дагалоаттам лелабар. Гуцаранаькъан Микаила новкъосталца ГIалгIайчен масадола бусалба, кераста кашамаш тоадеш лат.

## ГIалгIайче дIахьош я, 1992 шера гурахьа байнача нахах болча дагалоацама кхетаче

Ужаьханаькъан Хьамзат

ГIалгIайчен Шолжа кхален Арште дIайихьар «Цхьан гуйран хатар» яха кхетаче, из хетаяь яр 1992 шера хIирашта-гIалгIашта юкье хиннача къовсама. Кхетаче кийчеш, дакъа лаьцар моттигерча культуран цIен болхлоша.

«Библиотекан болхлочо берашта довзийтар цу унзарча деношца дувзадена каьхаташ, исторен оагIонаш, цу хатарох даь йоазонаш, из дагадоагIарий а бIаргадайнарий а дувцараш. Цу чоалханерча материалаш тIа го а хьахаза а йиш яр, гIалгIай къаман вахаре нийсьеннача къизалах,

царга бенача балах лаьца дола хоамаш.

Цу деношка бехк боацаш боабьрех, къизал яхьаш лиьца баьхарех, шоай фусамех беа эзараш-эзараш ара юкье бисарах дувцаш дар дийца йоазош», - аьлар «Сердало» газетага из кхетаче вIашагIеллараша. Книжкай гойтамца яр, таханарча денга кхоачаш, Пригородни кхален чухь, Владикавказ-Шахьаре де доацаш байнарий, боабьрий цIераш, цар сурташ. Ардара бетта 30-ча дийнахьа, Пригородни кхале из хатар хинна арIанара шу доалаш, таьзета кхетаченаш дIайихьар, цига дагалаьцар 1992 шера байнараш.





## Лоархіаме накъаш тоадара болх чакхбоалаш латт

Коазой Мадина

Йистебала боалл «Боккха никъ «Кавказ-Илдарха-Гіала-Юкьера Ачалкхе-Гіайрбик-Юрт», из біаьха ба 13 км совгіа, яхаш, хоам бу Гіалгіайчен автодора министрствос.

2022 шера діадоладаь хинна накъаш тоадара балхаш, лаьрхіа хиннача беса хилча, хьатіадоагІача шера йистедаха дезаш дар. Бакъда накъашка болх бераша массаза санна йиллача ханал хьалха діачубала лаьрхіад из, ер шу йистедалалехь никъ кийча

хургба.

«Карарча хана, цигарча болхлой тоаба къахьегаш я 80 накъа юкъ йийкъа кіалхара кіийле кийчеш, йистош тоаеш, хьалхара накъа оаса бохийташ, гІоргІа асфальт Іобуллаш. Цунца цьхана діахьош ба накъа йистегІолла аьшка карт

хьаяра болх а», - аьлар накъаш тоадерий боахаме.

Ала деза, «Боккха никъ «Кавказ» - Илдарха-Гіала-Юкьера Ачалкхе-Гіайрбика-Юрт» оала никъ тоабара болх чубоагІаш ба «Дикал йола кхерамзлен накъаш» яхача къаман проекта.

Гіалгіайчен 85% бахархоша лоархі, керттердар хица Іалашо яр да

Султиганакъан Йоакъап

Гіалгіайчен 85 % бахархоша лоархі, мехка даимхий хьадоагІаш хилар, хин боахама болхлой керттера декхар хила деза. Цунах дийцар «Сердало» газета, карарча шера ардара бетта юкье, 100 сага юкье хаттарий болх діахьош.

«Республикашка хий хургдола болх тоабе безаш болга гуш да. Карарча хана вайна гу кіезиг-кіезига из хаттар кхоачашдеш латтилга. МоллагІа волча сага вахаре, цІагІа цахаддаш хьадоагІаш діайха хий хилар - из вахара лерттіа хьалаш хилар да», - аьлар тохамма цьхан доакъашхо.

80% совгіа болча наха лоархі, лаьрххІа йола счѐтчикаш а оттаяь, ший ханнахьа цох боагІа мах діа алуш, хицара хьал тоаде деза, аьнна.

70% совгіа нах тешаш ба тишьенна хин турбаш тоаьчул тіехьагІа, царна меттел полимерни турбаш чухькача, из хьал тоалургда, хІана аьлча турбаш лелхаш йола моттигаш кіезигагІа хургья.



## Единороссаш хьежар, МагІалбике хьалъеш латтача берий бешага

Ужахьанакъан Хьамзат

«ЦаІ йола Росси» яхача партийни проекта чубоагІаш, «Парте десант» оалача моттигерча отделене депутаташ баха хилар, МагІалбика-

Шахьаре 220 бера лаьрхіа хьалъеча «Фаьлг» яхача берий бешага хьажа. Из хоам бир «Сердало» газетата «ЦаІ йолча Россе» моттигерча отделене.

Діадахача шера тіехьарча

кхаш бетта діадоладаь хинна гІишлон балхаш, 60% йистедаьннад тахан, из иштта дий хьежар депутаташ, цу моттиге діа абаха. Цар техкар балха хьалаш, из мичахьа кхьаб, баь банна болх миштаб. Деррига бал-

хаш діахьош да, оттаяьча хана йистедаргдолаш. Тхо тешаш да лаьрхІача 2023 шера из гІишло йистеаргхиларах, цул совгіа, балха дикал лакха а йолаш», - аьлар моттигерча отделене секретара Йовлой Іусмана.

## Лоамера культуран тіехьален гІишлош тоаеш латт

Коазой Мадина

Гіалгіайчен лоаме діахо діахьош да, Гіалгіай къаман культуран тіехьален моттигаш тоаяр. Вайна ма харра, укх деношка йистебаьлар Ний оалача ширача юрта діахьош хинна болх. Цига тоаяь яьлар 4 тіема, цаІ ах тіема, ворхі нах чубаьха Гіалаш.

Діахо тоае лерхІаш я Морч, Хьарп, ТІумагІ, Фуртоуг. ХІанз царех дола, хьалха цаховш юкьедита кердадараш тохкаш болх діахьош ба, цига гучадаьлар, къаман культуран тіехьален еррига моттигаш пачахьалкхено діаязьяь цахилар. Цунца бувзабенна ЖІайрахьа-Эса чІожерча музея-заповеднико болх діахьош ба. Из йистебаьлча, «Сафмар» ганзо уж тоаяра балхаш діадоладергда.



Де доацаш  
яйна кхалсаг  
корайир  
Челябинскера

Газданаькъан Ахмад

МагIалбика яхарко, де доацаш байнараша юкье йола дикка ха яр, из могош а йолаш Челябинскера хьакорайир. Из лохаш кьахьийгараш бар МагIалбикерча полице болхло, яхаш, хоам бу «Сердало» газетага ГалгIай республике Голла йолча Россе чурча Гулакхий министерствон зарбан болх лелабераша.

ГалгIай республике Голла йолча МВД уголовни лехам беча болхлоша, Россе МВД «Малгобекский» оалача МО болхлоша цхьана, хьем боацаш лахара болх дIабахьарах, Челябинск-Шахьара давкь тIа, ардара бетта 6-ча дийнахьа денз мичай ца ховш яйна хинна кхалсаг корайир.

Из Челябинска УМВД Советски кхален полице отделе Ючуйгай. Цу кхалсага яхачох, цунна духьала бокьонаш телхаш дола хIама хиннадац», - аьлар тхога хоам баьчо.

Хьун хьалага  
хьожаш ба, цу  
давкь тIара  
болхло

Султиганаькъан Йоакъап

«Рослесозащита» яхача ФБУ давкь тIарча болхлоша, хьунагIа ягIача гаьний хьал тохкаш, болх дIабахьар.

Мужечара хьун моттигаш тохкаш, гаьний могошал малагIча боараме я хьожаш, хилар кьахьегамхой. Из хоам «Сердало» газетага бир хьуна тIахьожам лоаттабераша. «БархI моттигера гаьнаш малагIча хьале кьахьчай хьежар уж.

7,0 эзар гектар дола хьун доазув да цига дувцар. Соажка дIабахьача балхага хьежача, кхы доккха хувцамаш хинна моттигаш яц. Дукха ха яьннача гаьний хьал хувцаденнад, шоаш кьаяларга диллача. Кхы дIаходар хьайичаца, хьун хьал во дац.

Хан-ханнахьа цу тайпара болх дIабахьар лоархIаме да хьунашта. Гаьнашта лазар хургдоацаш, хьун кхоачам талхаргбоацаш лелабеш болх ба из. УнахцIена хьу хам баьваргвоаца доккха беркат да дерригача дунен!

## Шин республикан миннацаша дийцар, Пригородни кхаленца дувзадена дешаш

Коазой Мадина

Пригородни кхален Гадаборшакьонгий-Юрта моттигерча бахархой кхетаче хилар; ГалгIайчен, Хирийчен арахарча бувзамех, кьаман политиках йолча министерствай кулгалхошца Мизенаькъан Русланаца, Багиев Аланаца. Иштта цу юкье давкь лоацаш хилар Гадаборшакьонгий-Юртарча администраце кулгалхо Хазанаькъан Ибрагим, ГалгIайчен промышленноста, бувзама министерствон транспорта давкь кулгалхо Маслаков Константин. Цунах дийцар «Сердало» газетага ГалгIай Республикан миннаце.

Кхетаче дIахьош дийца дош дар Пригородни кхалени ГалгIайчени юкьера бувзам лелабеш йолча транспорта хоттаденна. Бахархой лат-

кьаш хилар транспорт геттара тишгьенна хилара а иштта ший ханнахьа из лелаш цахилара а. Ший арIагIа ГалгIай Республикан промышленноста, бувзама министерствон викала аьлар, из хаттар шоаш тохкаш а да, ер шу чакхдалале кхоачаш а дергда, аьнна. Цул совгIа, гулбенараша белгалдир, Пригородни кхаленца бувзам лелабеш йола транспорт тишгьенна хилара хаттар ма хулла сихагIа кхоачаш де дезаш хилар а, иштта укхаза бахаш бола нах балха оттабе безаш хилар а. ШоллагIча хаттарах дувцаш, Мизенаькъан Руслана белгалдир, укх тIехьарча хана ГалгIайчен кагирхой гранташ йоахача яхьашка давкь лоацаш хилар бахьан долаш, уж балха оттабара дош юкь-юкье кхоачаш де таро хул, аьнна.

«Дика хургдар укхаза а цу тайпара хаттараш кхоачаш-



де таронаш хьаххолларе, масала, тайп-тайпара спортинни майдаш хьаеш, зламигача футболла аренаш еш хилча, ший арIагIа цо таро хулийтаргьяр моттигерча а федеральни а яхьашка давкь лаца», - аьлар ГалгIай Республикан миннаца кулгалхо. Кьилбаседа

Хирийчен оагIорахьара а белгалдир, кагирхой балха оттабеш, унахцIена вахар леладаранакь тIа боахаш дола балхаш шоаш дIахьош хилар. «Цудухьа Пригородни кхален давкь тIа лаьрхIад ФОКа гIишло хьалье», - аьлар Багиев Алана.

## Ер шу дIадоладелча денз, ГалгIайчен навкьашка 46 саг веннав

Газданаькъан Ахмад

Навкьашка бовш болча нахач болча хоамага хьежача, гуш да, ер шу дIадоладелча денз, транспортаца новкьа хула хьовзамаш ГалгIайче 16,8% кIезиглуш доагIилга. Бакьда дIадахача шера хинначунца нийсдича, нах байна хатараш дукхагIа да 39%, ДТП юкье нийсвенна веннараш 46 саг ва. Уж ийрча моттигаш нийслу, водителаш корта бохабу малар менна хиларах, новкьа лелара бокьонаш ца йовзаш е ца лелаеш хиларах, навкьал дехьадоала бераш лорацадарах, иштта кхьидолча бахьанех.

«ХIара водитель, ше машенаца аравоалаш дагалоаттаде декхарийла ва, кхьича навха вахар ше лораде дезаш волга. Сагота воацаш, водитель хиларо доккхача вонга кхоачаву. Кхы тIа чIоагIбе беза цу тайпарча водителашта лоаттабу тIахьожам, новкьа лелара бокьонаш цар телхаергIоацаш. Цу юкье дукхагIа давкь лаца



деза юкьара гулакх леладераша, дин викалаша, хьалхарча арIагIа кагирхоша», - аьлар ГалгIай Республикан кулгалхоца Келаматанаькъан МахьмудIаьлас, ше из хьал дувцаш. Навкьашка хьовзамаш хилара бахьанашта юкье «Кавказ» оала федеральни никь тоабеш латта

дукха ха хилар а да.

Уж балхаш 2020 шера денз тIехьадоахаш латт, цу хана йистедаьнна хила дезаш а дар, цунах яздаьдар «Сердало» газета корреспонденташа хьалха а. ХIанз из йистебаккхара йола ха 2025 шерга яьккхай машиннаькьаш тоадара йолча федераль-

ни урхаллено. Укхаза белгалдаккха безам ба, ГалгIайчен автотора министерствос ший болх лаьрхIаца хана чакхбоаккх, «Дика кхерамзлен навкьаш» яха кьаман проект кхоачашгьеш. Мехка уж балхаш деш, 200 км машиннаькьаш тоадаь даьннад.

## Шахьарашкарча урамий куц тоадеш латт

Султиганаькъан Йоакъап

Республикерча шахьарашкарча сийрда хургйолаш, кьахьегаш ба хьакимаш. Иштта Шолжа-Шахьарерча Д. Менделеева оалача урам тIа керда тока саьргаш чудоахкаш баькхар болхло.

«900 метрага кхоачаш болча урам тIа, лампашта лаьрхIа

33 бIоагIа берIаб. Укх шера хIанз из пхелагIа урам тоабаьб, иштта беркате кулг тохаш, шахьара администраце. Хьалха тоадаь хинна урамаш Пхьилекьонгий, Хьоашаланаькъан, Бохтаранаькъан, Сейнарой цIераш лелаеш да», - йоах мэре болхлоша. Сийрдаца урамашка Голла лела аттагIа, парIатагIа хургда хIанз бахархошта, машенашта.





## Газах мишта лорабала беа дувц нахага

Алов Муса

«Газпром» оалача моттигерча болхлоша, иштта Талама наха газацарча кхерамзленах дувц вай бахархошка. «Маждиге хьауача нахага, газах боккьал лоралуш хила, хатар хилар кхерам болча хТаман юстардаха бераш, яхаш, кхайкарал ду имамаша. Газацарча кхерамзленах дувцаш дола каьхаташ дТадекь царна юкье. Газпрома болхлой ба из болам дТяхьораш. Таханарча дийнахьа, 18 маьждиго хьаллаьцад из гТулакх», - йоах тхогарча хоам.

«Дийшача наха цу болама юкье дакьа лацар чТюагТюа лорхТюа да, хТана аьлча цар дувцачунга наха дикагТюа ладувгТюа. Оаха доккха баркал оал царна, из беркате гТулакх хьаллаца оттараш», - аьлар «Наьсарера газпром» яхача моттига кулгал деча Ляьнаанькьан Элберда.

## ГалгТайчен кьона эскархой Москверча кхетачен доакъашхой ба

Гаьгенакьан Марина

«Кьона эскар» яхача ВВПД моттигерча отделене доакъашхой дакьа лоацаш хилар Москве дТяхьош йолча кьона эскархой командирий Еригроссе кхетачен юкье,

яхаш, дийцар «Сердало» газетага берий - патриотизма ишколан зарбан болх лелабераша.

«Юкьарлон болама викалий таро хилар, шоай кхоллама проекташ цу лорхТюамеча кхетаче-

не дТюагойта. Цу гуллама семинарех, говзанч-хьехамех, шоайла дагабалара балхах латта дешара программа бахьан долаш; кьонача эскархоша шоай хьехамчашца цьхана балха говзал кТюагТюа.

Дабяхьа беа болх дукха

хиннабале а, дешархошта тТехьара тТюа сахьаташ делар, шоай проекташ йовзийта», - аьлар хоам. Белгалду, Москве дТюагТюахача Еригроссе кхетаче дакьа лоацаш хинна кьона эскархой 150 саг хиннилга.

## «Магас» яхача аэропорте тТяхьожам чТюагТюаьб

Ужахьананькьан Хьамзат

Терроризм яхача зулама духьале лелаеча комиссе кхетаче дТюагТюаьбар, Шолжа-Шахьарерча «Магас» яхача аэропорте. Кхерамзленца бувзабенна болх чТюагТюаьбе лаьрхТюа цар.

«Цу кхетаче дакьа лоацаш хилар министра гТюнча вола Кувалдин Василий, шахьара да Гумарананькьан Аслан, цун гТюнча Бекананькьан Халид,

аэропорта кулгал деш вола Чурананькьан Мухьмад, МВД «Шолжа-Шахьар» яхача МО хьалха латта Цечой Нухь, администрацен АТК секретарь вола Ведажананькьан Идрис, иштта кхьбараш», - йоах тхога бенача хоам.

Кхетаче дТюагТюаьбара бахьан дар, интернети гТюлла гобохаш лелача харцача, бух боацача хоамех тийша, бахархоша аэропорта доазон тТюа кхетачеш, пикеташ, митингаш яра сунт тохар. Ци-

гара тТяхьожам чТюагТюаьб. ТЮаьдала болхлоша кхайкарал ду кагирхошка, боккьал а бакьдоацаш арадувлача кьа-

маьлех ма теша, яхаш. Лоралуш хила, бух боаца хоамаш хьа ма ийде! Наха доккха зе ду иштгача кьамаьлаша!



## ГалгТайче Сийлахь-боккхача Даьймехка тТема ханара минаш кораяьй

ГТюадананькьан Ахьмад

Сийлахь-боккхача Даьймехка тТюм лаьтгача шерашка лаьттах яккийса хинна минометашца кхувса минаш кораяьй, МагТюалбика кхален Долакоа ший цТюа хьалдеш воаллача сага, яхаш, хоам бу «Сердало» газетага.

«Тюйран 9 сахьат, 40 минут яьннача хана, цТюа долча ха деча дакьк ТТюа хоам бера «112» номерах, Долакоарча Фрунзе цТюагТюаьча урамагТюа йовзаш йоаца цьхьа хТюама кораяьй, аьнна. Цига баха хиннача «Тарко» оалача ПСО болхлошта хайра из Сийлахь-боккхача Даьймехка тТюма хана лаьттах яллийса хинна мина йолга, ший цТюа деш воаллача юртхо-чунна гучаяьлар из», - аьлар тхога хоам бечо. Гаьнара, 80 шу хьалха МагТюалбик лорачеш, цТюагТюаь Иомехкадеш, лаьтгача тТюма оаз хТюанз а хьа-хозаш я.

## ГалгТайче 2023 шера 5 эзар совгТюа берий СНИЛСаш кийчйир

**ОТДЕЛЕНИЕ СФР ПО РЕСПУБЛИКЕ ИНГУШЕТИЯ**

**Проактивное оформление СНИЛС**

Сведения о счете направляются в личный кабинет мамы на портал госуслуг сразу после того, как из реестра ЗАГС в систему СФР поступает информация о рождении ребенка

Если женщина поменяла фамилию, но не актуализировала сведения на портале госуслуг, СНИЛС ребенка может не отразиться в ее личном кабинете

Если у родителя нет подтвержденной учетной записи на портале госуслуг, для получения СНИЛС можно обратиться в клиентскую службу ОСФР или МФЦ (с паспортом и свидетельством о рождении ребенка. Страховой номер предоставляется в день обращения)

Султигананькьан Йоакьап

2023 шера ГалгТюагТюаь Республика гТюлла йолча СФР отделене, заявлени язье а ца езаш, наджгоанцхой беттагара денз, 5 эзар совгТюа долча керда ТЮаьдьяча бера СНИЛСаш кийчйир, яхаш, дийцар ГалгТюагТюаь Республике гТюлла йолча ОСФР болхлоша «Сердало» газетага.

«Лицевой чот хьаелл, дехар яздыьдацар, аьнна. Чотых бола хоам дТюабохьийт наьна доалахьарча кабинет, госуслугай портале, ЗАГС реестрера бер дарах бола хоам СФР системе хьакхьачул тТехьагТюа», - йоах вахара ганза хоам тТюа. Бахархошта хьалхадаьккхар;

наьна анкета йоазув ЗАГСерча, СФРерча йоазонца цьхьатарра хила деза, аьнна. Нагахьа санна кхалсага кхьйюла тайпан цТюа хьаийцайле, цунах бола хоам госуслугай портала тТюа боацаш хуле, бера СНИЛС цун доалахьарча кабинет геш хургьац.

ЗТюамигача вахархоцун лицевой чот эшаш я маткапитал оала ахча, ОМС полис хьэцача хана, иштта социальни ахча а хьэцаш, поликлинике дТюагТюаьдеш, кхьидола гТюулакхаш а да цунга гТюлла леладе дезаш. Нагахьа санна бер доаладерзадеш хилча, каьхаташ дехара хьисапе кийчду, хТюана аьлча эшаш дола хоамаш уж бераш хьэцаш болча наха шоаш мара де йиш йолаш дац.



## ГалгIайче, онлайн оалача хьисапе, юхалург ахчаш тела гIулакх дIадоладабд

Гаьгенаькъан Марина

**Г I а л г I а й ч е** дIадоладеннад онлайн оалача кепара юхалург ахча телар, цаI йолча лоацъяьча пакетах деш да из, яхаш, дийцар «Сердало» газетата ГIалгIай Республикан «Са бизнес» яхача коммерчески доацача ше къаьсттача цъханкетара зарбан болх лелабераша.

«Ханзчул тIехьагIа, из ахча хьаэцара саг ше тIахила везаш вац. Нагахьа санна ший доалахьара хIама дIадоладеш саг вале, юхалург ахча хьаэца йиш йолаш ва моллагIа, ший хьашт кхоачашде дагахьа. Вай мехка цу тайпара болх беш я «ГалгIай Республикан, ший доалахьара хIама леладечарна новкъостал деш йола ганз». Цул совгIа, цифровой оагIон тIа гуш я «ЗIамига ахча хьаэцара еш йола кийчо», укхазана лав Iаьдала чотак Iеззига чухьаьа, хIама совдоалаш луш хилар», - аьлар ГалгIай Республикан «Са бизнес» яхача моттига зарбан болх лелабераша. Болх лелабераша яхачох, нагахьа санна зIамига ахча луш ца хуле, доалахьарча кабинете гIолла гуш хургда цун бахьан малагIа да. Декхара ахча луш хьож, таьрахьашца дувзадена дош миштад, уж латт 1200 бизнеса оагIонах.

## Авари хиннача, кхо саг лозаваьв

Коазой Мадина

**ДабI-Юрт - Керда Редант оалача наькъ тIа «Лада-Приора» (ВАЗ 21114), трактор вIашакхеташ, авари хилар.**

Цу хатара юкье кхо саг лозаваьв. Човхабаьраш Iочубигаб МагIалбикерча дарбанче. Из хоам бер я республикера МЧС. «Магас» яхача наха оарцагIухача тоабан болхлой хилар, авари хиннача болх беш.

# Къонача ноахала масал да цун вахар

Налганаькъан Эсамарзий Элберда 160 шу дизарга

Гарчакханаькъан Сали

Вай къаман сийдола нах бувцаш хилча, хьоаха ца вича валац аьнна хет сона пачахьа эскара инарал-лейтенант хинна Налганаькъан Эсамарзий Элберд. Цунна фу карагIдаьннад, цо фу леладаьд ха йиш я из лакхара, еза тIемхочун цIи цунна яларах а. Цун вахар дувцаш дукха йоазош деце а, хIаьта а долаш дараш а кхоачам болаш да цун наькъаш довза, цунна карагIдаьннарий мах бе, из лархIа. Инаралах лаьца даьча йоазошта юкье керттера да аьнна белгалдоакхаргдар аз ши-кхо йоазув. Эггара хьалха царех да 2004 шера «Сердало» газета оагIонаш тIа кепа теа арадаьнна Даниленко И. С. яздаь дагалоацамаш. «Японций пхо наькх чу боалаш, Россена тешаме хилар дег чу а долаш» яха из йоазув кхеллар инарал-майор хиннав, хIаьта из кепа теа хиннад эггара хьалха «Эскари флоти» яхача журнала тIа, эрсий-японций тIом хинна 100 шу дизара хетадаь.

Иштта вай мехкаочун вахар ма хулла шерагIа чулаца гIерташ даь йоазув да Хамченаькъан Султана даьр. «Налганаькъан инарал: турпал вицвеннавац халкъанна» яха ювцаш йола очерк кепа теа хиннай «Ший овлаш доьвар» яхача Ахьмада Султана яздаьча, 2000-ча шера Саратове арадаьннача книжка тIа. Иштта инаралах дола, цун тIехьенах, тIехьен тIехьенах дола йоазош а хоамаш а корадоагIа вайна интернета чу. Бакъда цъхьацIайола моттигаш тайп-тайпара ювцаш, цъхьатара йоацаш нийслу цу йоазошта юкье. Царех нийсагIа малагIа да историкаша а Эсамарзий Элбердах хьабаьннача наха а кьоастадегIа аьнна хет сона. Масала, Даниленкос яздаьд, Элберда да Эсамарза хиннав, аьнна; хIаьта Ахьмада Султана яздаьд, из Аьсамарзий воI хин-

нав, аьнна. Уж тайп-тайпара цIераш я, цъхан юкьа вIаший тара хете а. Даниленкос яздаьд, Элберд Эбарга-Юртгарча (Троицкерча) дий шера дешаца ишколе деша дIавенна хиннав, аьнна; хIаьта Хамченаькъанчо яхачох, из дешаш хиннав Насарерча эггара хьалхарча шин шера дешаца ишколе. Даниленкос яхачох, Элберд кхелхав 1918 шера Сурхо тIа, хIаьта вай мехкаочо даьча йоазон тIа из 1919 шера Налганаькъан отарашка (хуторе) веннав. Иштта кхьйола моттигаш а нийслу цун вахарца а тIема наькъаца а тайп-тайпара ювцаш, эргаш йолаш. Хетаргахьа, вай историкаша кхоачам боллаш дика техкадац цу сийдолча сага вахар. Со тешаш ва: цо шийна теркам тIаозаргба тIехьа тIакхувча дуккхача историкий, журналистий, йоазанхой.

Вайна массанена ховш ма хиллара, Налганаькъан Эсамарзий Элберд ваь хиннав 1863 шера лайчилла бетта 4-ча дийнахьа. Вешта аьлча, кхы а ши ди даьлча нийсса 160 шу дуз, цIихеза вай мехкаох вича денз. Из малагIаца ишколе деша дIавенна хиннав белггала сона оалалургдац, хIана аьлча, аз лакхе хьоаха ма дарра, цох лаьца тайп-тайпара дувцаш нийслу. Даниленкос яздаьд, ишкол а Буро тIара реальни училище а яккхача, цо дIахо дIабихьача наькъах: «...Тема гIулакха тIа дIазву из Шолжа-Буро тIарча 1-ча гIазкхий (казакий) полка мугIарера бIухо волаш. Ах шера амал деш хилча, гIазкхий юнкерски училище Ставрополе деша вохийт из. Укхазана дикагIболча юнкерех цаI волаш чакхвоал. 1885 шера дийше воал училище, тIаккха цунна лу подрорунже чин, юхавоагIа ший полке. Цу хана денз, дIадолалу цун сатем боаца эпсара вахар. Ший тIема декхар цо кхоачашдаьд Росийски тайп-тайпарча мотти-



гашка, кхьметтел доазол араьха, цу даькъе пхе шера Персе а.

1904 шера Россен духьала Японце тIом болабича, къона гIазкхий эпсар Налганаькъан Элберд, есаул волаш, Тирка бIун 1-ча Шолжа-Бурон полкаца Манчжуре лаьтгача тIем тIа вода. Цига ши шу доаккх цо. Россен аьттув боацаш хиннача цу тIема дуккхача доьнашка даькъа лоац. Цу хана лу цунна ялх орден, дагалоаттама майдилг. Цигара наькх тIа сеца японски пхо баьхаргба цо, ше мел йоаккхача хана цунца вахарг а ва Налганаькъан Э. ...»

ДIахо цун вахарах дувцаш, массаболча автораша йоах, 1910 шера из 1-ча гIазкхий Полтавски полка командирала хьожаваш хиннав. Цу заман чухьа из полковника дарж долаш хиннав. Цига пхе шера тIема гIулакха тIа латт из. ДIахо цунга хьежаш хиннай 2-ча Кавказерча гIазкхий дивизе 1-гIа Кубанера гIазкхий бригада. Цига ше дIавахеле, полкаца Iадика ювцаш къамаьл даьд цо, пхе шера ше керте лаьтгача бIухошка. Из Iодешаш кхетаде хала дац, полковник эрсий йоазон мотт дика ховш саг хинна хилар. Къаьстта укхазана кхетаду, ше дийша дешараш цо зехьа ца дийшалга а, цига якккха ха кхом боацаш цо йоа ца яьлга а. Цу ханах цо чIоагIа пайда ийцалга хов, из къамаьл Iодешаш. Из деррига хьакхачад вай денга. Цу юкьера цъха даькъа дешаргIа вай: «...Со чIоагIа гIадваха а кура а вар, айса шоана кулгал деш. Шун тIехьенашта дIаховлда цу тIем тIа (Персеца хинна тIом - I. С.) оаш гойгача турпалча гIулакхех, Равьяна юхе, гонга кхоачаш лоа долаш, даар доацаш, наб йоацаш, летар шо низ болча моастагIчунца; иштта Деера юхе шозза ги йиллал

лаьтта дIаделанзар оаш цунна; Чабанле, моастагIчоа гобаккха тIадаькхар шо баьдеча бус. Цунна, из вохавеш, хIама а техар. Хантахты, Дильман, Аян - бекарга бетта сийдола денеш, оаш эггара хьалха духьале йир, иттнена духьала цаI отгаш, Халбея эскара...»

Цу моттигаша хьаьбокх Эсамарзий Элберд ше а цун бIухой а садехка майра нах хиннилга а, моастагIчох кхера ца луш, цунна букъ ца гойгаш, бовш хиннилга а.

1917 шера Эсамарзий Элберда енна хиннай инарал-лейтенант яха еза цIи. ТIехьара из керте лаьтгав гIазкхий 2-ча Кавказски дивизена. Цъхан йоазонцара дийшар аз, из бокьонца вола дипломат а хиннав аьнна, хIана аьлча бусалба саг ше хиларах тарра, Гаргарча Малхбоален бусалба нах бахача мехкашца бувзам оттабе, царца къамаьл де ухийташ хиннав из цу хана Россен лаьтгача пачахьа Iаьдало. Из никьийца, Туркий, Пирсаьний мехкашка, Юкьерча Азе из ихав, яхаш, белгалдоаккх. Пачахьа чIоагIа тешаме хиннав йоах Элберд, керда Iаьдал къоабалдеш а хиннавац.

Дикка боккха дезал а хиннав инарала. Цун кхо воI ши йоI хиннад: Мухьмад, Ахьмад (уж тIема нах хиннаб), Сафар, Къарамсолта - кьонгаш, Олга, Хаджигат (Лиза) - мехкарий. Уж баь хиннаб 1891 шера цо йоалаь хиннача Ужахьанаькъан Боле Лидас.

Царех цъханнех Сафарах цъхьаца дагалоацамаш дисад са дег чу. Из ваь хиннав 1933 шера, кхелхав 1987-ча шера. Со цу хана университет а якккха, ишколе а «Сердало» газете а болх баь, Нохч-ГалгIай книжни издательстве балха вар. Тха даь-нана яр 1910 шера яь. Из а Сафара юртхо яр, Сурхо тIарча







## Гизданаькъан Ахьмад

Шолжа-Шахьарерча культуран цIагIа хилар кинохета-че дIакъовлар. ЦIай дIадахьа хержараш бар Россе театра, кинон актриса йола Лачина Ирина, актёр, режиссёр, продюссер вола Сальников Егор. Кинофестиваль йолча массехк дийнахьа, доттагIал тессар царца вай хьажархоша.

«Вайцига «Дошо гIала» яха кинофестиваль дIакхухьа ийс шу да. Цу юкъя массане на езаеннай из. Вай боккча-ча мехкарча ерригача моттигашкара кинематографисташ шоай цIи дIайовзийта йиш йолаш ба цига. Кино кхоллара гIулакх моллагIча сага низ дIакхоачаш дац. Цо йовзийт культура, чоагIбу къамашта юкьера бувзам. 14 мехкара нах бар, укх шера фестивале дакъа лоацаш. Хьалхара шоай балхаш гойташ дар Инди, Малайзи, Бразили, ХIирийче яха мехкаш. Къилбаседа Кавказера мехкаш а дар цига дакъа лоацаш. «ДикагIадола гIалгIай кино» яхача номинаце коталонга кхача гIерташ дар гIалгIай режиссёрий кхо фильм», – дийцар тхога культуран гIулакхех йолча министерствон кулгалхочун декхараш кхоачашдеча Малсаганаькъан Хьажбикара.

Республикерча бахархой, хьатIабаькча хьаьший аьттув бар цу фестивале тайп-тайпара кинош довза. Массане из аьттув хилията хьежабар культуран болхлой хьалххе а. Республикара тайп-тайпара 15 моттиг къоастаяьр цу гIулакха лаьрхIа.

Кинотеатршк, культуран цIенешка гойтар кино. Кино кхоллача даькье дукха хана денз белгалбаьнна, лакха начIал дола нах бар республике гулбеннарараш. Царна юкье бар Россе халкъа артист, фестивала исбахьален кулгалхо Лаврентьев Клим, ВГИКа профессор, режиссёр, продюссер, актёр вола Фокин Владимир, Беларуссерча кинематографистий Союзу кулгалду Васильев Виктор, театра, кинон актёр вола Назаров Юрий, Россе цIихеза артистка, гIалгIай халкъа артистка йола Янданаькъан Тамара, Молдован халкъа артист-



## Кино кхоллара хетадаь цIай

«Дошо гIала» яха дунен халкъашта юкьера кинофестиваль дIайихьар вай республике

ка, актриса йола Тома Светлана, Москверча театра цIихеза актриса Нечитайло Полина. ВIаший бувзам чоагIбеш, шоайла бовзаш, хоза дIадахар уж денош. ЦIаккха а йицIургьац из фестиваль, хьалхара моттигаш яхарашта.

Гран-при кхаьчар Лебедев Николай яхача режиссёра оттадаьча «Нюрнберг» яхача кинофильманна. Вай Мехкадас деннача совгIатаца а белгалдир из кинолента. «Эггара дикагIа дола документальни кино» яха совгIат «Бера лаьрхIа миллионаш» яхача, Бохтаранаькъан Ильяса оттадаьча кинон кхаьчар.

«ДикагIадола ловзара кино» яха совгIат Борисова Любас оттадаьча фильманна кхаьчар.

Къаман Iадаташ, оамалаш, культура лораяра тIехьа кхеллача, «Юрто техкар» яхача Черсий мехкарча режиссёра Сатыров Ислама балхIа делар фестивала вIашагIьеллараша лаьрхIа оттадаь дола совгIат. «ДикагIа дола гIалгIай кино» яха совгIат режиссёр йолча Къоастой Мадинас оттадаьча «Даха илли! Даха!» яхача кинона кхаьчар. «Са цIа - са дезал» (режиссёр Алиев Элвик, Селий мохк), «Хьаделла хьай дог» (режиссёр Яновская Ирина, ХIирий мохк), «Селий мехкара Амати» (режиссёр Сулейманов Мухьмад, Селий мохк) яха документальни кинош оттадаьрашта дипло-маш делар.

Иштта дипломащца белгалдир «Нийсо» яха Таджикиста-



нерча Авазов Дишлода оттадаь исбахьален кино, «Кхыча тайпара сигале» яха Лисицина Ольгас оттадаь исбахьален фильм. «ДикагIа йола малача наьха юхь» яха совгIат кхаьчар «Лор» яхача картина керттера юхь ловзаяьча Пускепалис Сергейна. «ДикагIа йола кхалнаьха юхь» яха совгIат делар «Шодамаш» яхача исбахьален фильм керттера юхь ловзаяьча

Мамрешева Светланаина.

Кинофестиваль дIакъовлаш, доккха баркал аьлар гулбеннараша хьаьший хоза лархIа ховш долча вай къаманна. ДIахьа къаста ловш бацар хьаьший. Кхы а дукха керда кхетаченаш хьеж царга! ТIадоагIача шера итIагIа къамашта юкьера «Дошо гIала» яха фестиваль дIахьоргьа вай мехка.





ГалгIайчен  
столице,  
«Цхьана хила  
деза ха» яха  
концерт хургда

Гаизданаькъан Ахмад

Магас-Шахъара театра,  
кинон, кхоллама балха  
Центро кийчду столицан  
бахархошта, хьаьшашта  
дика совгIат.

Лайчилла бетта шоллагIча  
дийнахьа «Цхьана хила деза  
ха» яха концерт дIахьоргда,  
цо хьажархой дегашка йиц-  
лургIоацаш йола хоза лар  
ютаргья.

«Тха кхоллама наха  
кийчеш йолча программе  
дакха лоацаш хургба дукхача  
хана денз наха безабенна ар-  
тисташ: Эккажанаькъан Роза,  
Олганаькъан Марем, Зураба-  
наькъан Зураб, ЦIечой Жан-  
нати», - аьлар «Сердало» га-  
зетага концерт кийчдераша.

«Цхьана хила деза ха»  
яха концертага хьажа бол-  
хаш, кьонача хьажархошка  
Пушкински карта хила деза.

## «Дошо гуйре» - берката цIай

Дешархой ялата хам беш ба

Гарчакханаькъан Сали

Вай даьша хьалха чоагIа  
лоархIаш хиннай гуйре а яла-  
таш чуэцаш йола ха а. ЙоI  
маьре йодаш а саг йоала-  
еш а хиннаяц, цкьа хьалхагIа  
гуйре чулостайийя мара.  
Вешта аьлча, цкьа Iанна даа  
хIама Iалашдийя мара, деш  
хиннадац цар кхы мел дола  
гIулакхаш. Цудухьа гIалгIай  
халкьа лирически иллешка  
каст-каста нийслу йола оалаш  
дола: «Гуйран балхаш чудийр-  
за даьлча, мамийца ца Iе яь  
уйла я са», - яха дешаш. Маьре  
яха лаьрхIа я со яха маIан да  
цу дешай. Гурахьа ялаташ чу-  
ийцаца, цIай дездеш а хин-

над хьалха баьхача вай даьша.  
Хьаькьалца деш хIама хин-  
над из, кьонача тIехьен дег  
чу лаьттанцара, ахархочун  
кьаьхьегамцара безам кхьеш  
хиннад цар цу тайпара.

Таханарча вай ишколашка  
а, из уйла йолаш, Iа тIадалехь,  
«Дошо гуйре» яха цIай дезду.  
Фу дус дешархоша цига ца да-  
хьаш, ца кийчдеш. Цига го йиш  
я хьун совгIаташ: бIараш, хьа-  
мискаш, тоачош, эстетш, акха  
хьачаш, Iажаш, кхораш; хьаьса  
сомаш: нарсаш, помидораш,  
жакьопаш, пасташ, харбазаш;  
дашадехка даараш: варенеш,  
компоташ, дерригаш дийца а  
варгвац. Цул совгIа, дешархой

шоаш а бе-бе даараш кийч-  
де говза болга гучадоал укха-  
за. Цар шоаш хьаю мерза маьк-  
хаш, торгаш, печенеш, даьй  
IаьдалагIа йола зоакаш, кхьда-  
раш.

Укх деношка цу тайпара гуй-  
ран цIай хилар Малсаганаькъан  
Рашида Моти керте латгача  
Сурхо тIарча №1 йолча ГБОУ.  
Гуйран ухараша кьаьстга, дел-  
кьел тIехьагIа ухараша кьаь-  
стга - шин даькьа бекьабенна  
дездир из ди дешархоша. Юх-  
хера а кхелахоша-хьехархоша  
мах бир цар хьийгача кьин. Цу  
кьовсама «Гран-при» оала эггара  
дикагIйола моттиг яьккхар  
Йовлой Iамархана ПаьтIамата  
кулгал деча 7 «Б» классо. Хьал-

хара моттиг Овшанаькъан Э. Х.,  
Овшанаькъан Л. М. кулгал деча  
9 «Б», 6 «Б» оалача классашка  
кхьаьчар; шоллагIа моттиг Зан-  
генаькъан З.М., Налганаькъан  
М.О. кулгалхой болча 10 «Б», 6  
«В» классашта елар; кхоалагIа  
моттиг йийкьар Итазанаькъан  
М.Б., Пхылекьонгий Ш. М. доал  
деш йолча 11 «А», 6 «Г» классаш-  
та.

ЦIай чакхдаьлча, шоаш кьа-  
хьегаш хьадаьча а гулдаьча а  
хIамай чам миштаб хьежар де-  
шархой.

**Сурта тIа:** «Гран-при» яьккха  
7 «Б» классу цун кулгалхо Йов-  
лой Iамархана ПаьтIамати.



«Ераш-  
Зиракаш»  
яха ловзар  
дIадихьар  
студенташта  
юкье

Гаьгенаькъан Мартина

«Ераш-Зиракаш» яхача  
ловзаре котало яьккха  
гIерташ, кьаьхьегаш  
хилар республикера сту-  
денташ. Из хоам «Серда-  
ло» газетага бу кагирхой  
гIулакхех йолча комите-  
та болхлоша.

«Дешар» яхача кьаман  
проектага Голла, кагирхой  
гIулакхех йолча комитето  
дIахьош болх ба из. Наьса-  
рерча «Вахарей хьалеи кол-  
леджера» 15 саг-студенташ  
кхьа тоабанна бекьабелар.  
Ловзара юкье хинна хатта-  
раш экологеча, Iалам лора-  
дарца, лакха кхетам хиларца  
дуьзаденна дар. Ловзар чак-  
хдаьлча, массанена серти-  
фикаташ дIадийкьар. «Бер-  
ригаш раьза болаш, хоза  
дIадахар из ловзар. Кхы а  
дикагIа, кIоаргагIа Iомаде  
деза дешарца дувзаденна  
дешаш дайзар студенташ-  
та. Иштта дIахьоча ловза-  
рах боккха пайда боал ка-  
гирхошта», - белгалдир  
Гарчакханаькъан Саида.

## ГалгIайчера хьехархо «Вай тайп-тайпара да, amma воайла нийса да» яхача яхье хилар

Гаизданаькъан Ахмад

Котбаьннаррий цIераш яьхар Шолжа-  
Палий тIа дIахьош хиннача XIII-ча мех-  
кашта юкьерча яхье дакха лоацаш хин-  
наррий. «Вай тайп-тайпара да, амма во-  
айла нийса да» яхача яхье дакха лоацаш  
хилар СКФОРча ишколай наьна метта,  
литературан хьехархой. Вайцигара  
цига яхача Наьсарен №3 йолча ишкола  
гIалгIай мотт, литература хьехаш йолча  
Дибаранаькъан Хаде шоллагIа лоархIам  
бола Диплом даьккхар.

«Цу кьовсама дика таронаш елар хье-  
хархошта, балха говзал дIа-юха эца.  
Сона байзар Нохчашкахьа, Селий мехка,

Гьабартой-Балкхаре, Кьарший-Черсий,  
Ставропола, АьдагIой ишколашка дукхача  
шерашка денз кьаьхьегаш хьабоагIа хье-  
хархой. Из, чоагIа дицлургдоацаш, хот-  
таденна кьамаьл дар, хIана аьлча тхона,  
кьаьстга наьна метта хьехархошта, хьа-  
ца хIама хул цу юкье, тхоайла Iомалу. Цу  
тайпарча кхетачера, кердача уйлаех визе  
юхаверз, сихагIа хьай дешархошта из ганз  
дIаяла безам болаш», - аьлар «Сердало» га-  
зетага Дибаранаькъан Хаде.

Цо ишколе гIалгIай мотт, литература  
хьеха 20 совгIа шу да, ший дешархошта,  
хьамсара наьна мотт безаболиташ кьа-  
хьегарех я из. Из я ГалгIайчен цIихеза  
хьехархо, йоазанхочун говзал йола саг.





## Доган хиш дӑухаргдола моттигаш тоаеш латт Наьсаре

Гаьгенаькъан Мартина

**Догӑш дийлхача, цар хиш дӑухаргдола моттигаш тоаеш, болх дӑаболабаьб Наьсаре.**

Из хоам «Сердало» газетага бир шахьара мӑре болхлоша. «Дидиганаькъан оалаш болча урамера 200 метр йола хий дӑуха турбаш тоаяр дувзаденна да, цига каст-каста турбаш лелхаш хиларца.

Бахархой дехарах дӑаболабаь болх ба из», - йоах тхогарча хоамо. Шахьара да волча Йовлой Урусхана белгалдечох, доган ха мел оттача хана, йоккха хало хул цу урам тӑа бахача нахага. Цунга хьежжа, геттара дика хила беза цига буллаш бола никь.



## Бокьонах доацаш, хьу тийда моттиг хиннай

Газданаькъан Ахьмад

**Мужечарча хьун давкъ тӑа, бокьонаш телха а еш, хьу тийда моттиг нийсьелар. Бийсан из хоам шийга кхаьччул тӑехьагӑа, цу моттиге ваха**

**хилар моттигерча ӑалама тароний, экологе министерствон кулгалхо Хьулахой Саварбик.**

«Хьун инспекторашта гучадаьлар, мах болча тайпах лоархӑлаш йолча кьахььесте

70-80 куб тийдалга. Цу моттиге баха хилар бокьонаш лораераш а. Цар доагӑлаш дола каьхаташ а оттадаьд, цунах доагӑлаш дола талазар дара, хьем боаццаш, тохкама болх дӑахьош ба. Карарча хана, Шолжа хьун давкъ

тӑарча болхлоша тийда хинна хьу дӑайихьай Россе МВД «Сунженский» оалача МО складе, болх дӑахьоча юкьа лорae. Хьун давкъ тӑа даь зе мел да хьожаш ба», - аьлар Гӑалгӑайчен хьун боахаме.

## Цхьаькха а керда ишкол хьайийллар вай мехка

Султиганаькъан Йоакьап

**Ше-ший аргӑагӑа керда ишколаш хьаеллаш латт вай республике. Укх наькъа, 704 бера лаьрхӑа йолча ишкола болх йистебаьлар Сурхо тӑа. Из хоам «Сердало» газетага бир гӑишлошьяра балхах йолча министерствон болхлоша.**

«Гӑишлошьерий министерствога гӑолла, «Гранд-Строй» яха фирма я из болх чакхбоаккхаш яьллар. «Дешар» яхача кьаман проектага гӑолла беш ба из беркате болх. Йиь гектар йолча доазан тӑа латт ишкол. Спорта кьоастаяш моттигаш я цига. Гаьнаш дӑаегӑа, гӑандаш оттадаь, нувхашта лаьрхӑа яьшкхаш оттаяь, хоза кулг тегад коа», - йоах тхогарча хоамо.

Таханарча хано дӑадехаш мел дар чудолаш, геттара хоза тоаяь ишкол я из. Цул совгӑа, дегӑа могашал эшaеннача наьха хьашташ довазаш а болх баьб цига. Ишколо тӑаэцаргда 704 бер, 120 сага болх бе моттигаш хургьа цига.



## Наркомани яхача зуламах дийцар студенташта

Ужахьанаькъан Хьамзат

**Наркоманеца тӑом лоаттабечана наха кхетаче йир, паччахьалкхен университетте деша багӑача студентий общежитие. Наркотикашца бувзам лелабераш, из йохкараш гучабоа-**

**хаш йолча ерригача Россе боламцара болх ба из. Из хоам «Сердало» газетага бу ӑаьдала болхлоша.**

«Студенташца кьамаьл даьча МВД болхлоша, унахцӑенон гӑулакхах йолча министерствон

кьахьегамхоша белгалдир, наркомани яхача зуламо сага вахар ийрчадоаккхаш толхаделга, цу хӑланца бувзам лелабер ший ираз доадаьрех волга.

Кагирхошта дийцар, цкьа из дохьаж мишгад хьежжа саг, цу юкьера кхы ара ца воала-

луш виса йиш йолга», - аьлар из кхетаче вӑашагӑеллараша. Цу тайпара болх кагирхошца дӑакхашьар, чӑоагӑа лоархӑаме да тахан. Цу доккхача зуламо толхаш латта нах кӑалхарбахар да вай керттара декхар.



## Галамца бувзабеннача болама доакъашхоша 216 гали нувхаш гульир

Султиганакъсан Йоакъап

Хин йистошка гюлла нувхаш гульяра йола ха чакъйоалаш; «Россе хий» яхача болама чуйоагъаш дйайихъача лоархIамеча, дикача кхетачене; 216 гали нувхаш гульир, яхаш, дийцар «Сердало» газетага ГалгIай Республикан Галам лорадераша.

«Болам хилар Илдарха-ГIалий тIа, ардара бетта тIеххъарча шоатта дийнахъа. Цу моттигашка салаIара тIера бола нах хул, бакъда царех дукхагIарна дагадохац, шоашта тIехъа нувхаш дIаяха», - аьлар мехка Галама министерствон видалаша. ГалгIай Республикан Галама министерствон болхлоша, цунна чуйоагIаш долча доакъой къахъегамхоша, иштта доал деча дакъ тIарча администраце болхлоша, хин йистош цIеньеш болх дIабихъар. Хьинар долча шин тоабанна бекъабенна бир из болх, цига гулдир, лакхе ма аллара, 216 нувхий гали. Белгалдакха деза, ГалгIай Республика дика дакъа юкъеъош я «Россе хий» яхача болама, укх ялх шера хьалхара моттиг йоахаш хъайоагIа из, российский моттигашта юкъе.

## Бераша дакъа лаьцар, «НачIал дарашта никъ ле 2023 шера» яхача фестивале

Гаьзданаькъсан Ахьмад

Из цIи йолча Х-ча мехкашта юкъерча, Шолжа-ГIалий тIа дйайихъача берий кхоллама фестивале-яхъе Илдарха-ГIалан культуран цIагIа цхьаццэ говзал Юмаеш бола Чуранакъсан Луиза, Iамархананакъсан Мухьмад котбаьлар, хIаьта шоллагIа моттиг якъкхар Баь-

таранакъсан Хьавас. Цу яхъе дакъа лаца бераша дика кийчо яьар, начIал долча хъехамчас - халкъа артиста Хулаганакъсан Артура кулгал деш.

«Берий кхоллама къовсам хетабаь бар цIихезача композитора, дирижера, хъехарчун, музыкални юкъарлон болхлочун Хачатурян А.И. 120

шу дизара, цу дикача кхоллама проекта кулгал деш хилар В. А. Тагаева цIерагIча культуран, искусствай Нохчий паччахьалкхен колледжа директор йола ЗубайраевIар Анжелика. Яхъаш йийкъаяр шин дакъа: «Инструментальни говзал», «Илли алара говзал». Доакъашхой кхаь дакъа бекъабелар, шоай ханашка хъежжа. Яхъ чакъ-

хъяьлча, кхелахоша котбаьннараш хержар», - аьлар «Сердало» газетага Илдарха-ГIалан культуран цIен кулгалхоцо Овшанакъсан Къамбулата.

ГалгIайчен къонача викалаша гойгача говзалах ховш да, уж мел чIоагIа начIал долаш а ший болх дика бовзаш вола хъехамча шоашта керте латташ а ба.



## Суртанчас ший къаьстта гойтам хьабийллар

Гаьгнаькъсан Мартина

ГалгIай Республикан исбахьален искусства Паччахьалкхен музее «Моттигаш ювзаш» яхача мехкий зIамигача болама чубоагIаш, Россе суртанчас Хоронько Игоря къаьстта ший цхьанне гойтам хьабийллар, яхаш, дийцар «Сердало» газетага культуран урхаллене.

Беза хьаьший хинна, цига баьхкабар ГалгIай Республикан культуран министра ГIонча Куртой Макка, СКФО гюлла йолча Росреестра урхаллен кулгалхо Песков Вячеслав, ГалгIай Республике гюлла йолча Росреестра кулгалхо Борисов Андрей, ГалгIай Республикан «Роскадастра» наьха бокъоний компане филиала кулгалхо Доданакъсан Рукъет, ГалгIайчен

искуствай цIихеза болхло Мейренаькъсан Iалихан. Гулбенарашта байзар 50 совгIа болх.

«Кхетаче йистейоалаш, ГалгIай Республикан суртанчий музее кулгалхо ТIумхой Любас, баркал оалаш, суртанчанна грамота елар, цо культура деIаьоалаяр, музее доалахъдар совдаккхар бахьан долаш», - аьлар музее болхлоша. Белгалдакха деза, гой-

там дIаболабаь Ставрополе-ра. Из болх вIашагIбеллараша лаьрхIад Къилбаседа Кавказа тайп-тайпарча моттигашка из дIабахъа, суртанчас хIара музеейна ший цхьацца сурт совгIата дутаргда. Йоккха акци дIахьоргъя Луганск-Шахьаре. Россе кердача моттигашта, тIема хана музеешта хинна зе меттаоттаде ловш, 25 картина лургда.

## Наркотик лелаяь зуламхо бехктотхаме озаргва

Султиганакъсан Йоакъап

Хьалха суд текха волча вахархочунгара 86 грамм мефедрон яха наркотик лаьцар Наьсарерча ГИБДД болхлоша.

«Шаймиева оалача урам тIа соцаваьча 23 шу даьннача вахархочун кисара 86, 13 грамм мефедрон яха дохъаж даьккхар Iаьдала болхлоша», - белгалду МВД. Зулам доаржадеш лийннар Iаьдало Iочувигав, цунна боагIаш бола бехк бергба.







## Эбарга-Юрта Зламигача футболах ловза Моттиг хъаеш Латт

Коазой Мадина

Эбарга-Юрта-ча стадиона дакъ тIа дIаболабаб, зIамигача футболла лаьрхIа йола майда хъяра болх, яхаш, дий-цар «Сердало» газетига Шолжа кхален ад-министраце.

Доккха доаца спортивни тайпаш; футболах, волейболах е кыча ловзарех дола вIашагIхетараш денна совдоалаш доагIа. Спортаца дувзадена шоай хъашташ кагирхоша дIа мел гойтача хана, вай Iаьдало а ший оагIорахъара царна эшаш дар Iалашду.

Фокаш, спорта цIенеш, ма хулла дукхагIа зIамига спортивни майдаш хъаеш латт, царех я Эбарга-Юрта еш латтар а. «Проекто яхачох, зIамига футболни майда, таханарча дено дIадехача беса тоаяь я. Цига дика кIийле хургия, ловзачарна кхерамзлен Iалашо яь а хургья», - аьлар доал дерий дакъ тIа.



## Армрестлингах котбаьннарашта совгIаташ делар

Гаьгенаькъан Мартина

Магас-Шахьаре дешархошта юкье дIайихъа армрестлингах йола яхъаш чакхъялар, котбаьннараш белгалбир, яхаш, дувц «Сердало» газетига из болх вIашагIбеллараша. «Магаса культуран, спорта, туризма Центро ГIалгIай республикан армрестлин-

га федерацие новкъосталца вIашагIьелла хиннача кхетачене; дакъа лоацаш хилар тайп-тайпарча ишколалашкара 98 дешархо.

Доакъашхой вахаре армрестлинга яхъашка эггара хьалха яккха котало хилар цох. Команда юкьара кхоалагIа моттиг яккхар

юкьерча дешара Магасерча №1 йолча ишколо-берий бешо. «Магаса лицей-берий беш» шоллагIча моттиге хилар. ХIаьта хьалхара моттиг кхачар «Дешара центрага», - йоах хоамо.

Берашта цIоагIа езаелар цу тайпара дIайихъа яхъаш. Кьонача кьовсамхошта спортацара чам чубера, гуш дар уж

боккхача безамца цу юкье дакъа лоацаш болга. КагIлуш цу тайпара яхъаш цIаькха дIаяхъа кийчлуш да тхо», - аьлар ГIалгIай Республикан культуран, спорта, туризма Центро кулгалхочо Янданькъан Апте. Из яхъ дIайихъар, кхувш йоагIа тIехъе дукхагIа спортаца дакъа лоацаш хилийта дагахъа.



## ГОбъявления

Утерянный аттестат №4801344, выданный СОШ №12 с. п. Нестеровское в 2006 г. на имя Темиркеева Руслана Исмаиловича, считать недействительным.

Утерянный аттестат 06АБ №0006008, выданный СОШ №15 с. п. Средние Ачалуки в 2011 г. на имя Точиевой Замиры Бейаловны, считать недействительным.

Продается 6-ти комнатная квартира в Заводском районе г. Назрани на 3-м этаже. Все комнаты раздельные. Тел.: 8(918) 817-18-11, 8(928) 0930733 Бекхан.

## Республикан хьалхале яккхара яхъаш хилар спортивни гимнастиках

ГIазданаькъан Ахьмад

Ардара бетта тIеххьарча шоатта дийнахъа дIахьош дола Еригроссе гимнастика ди хиларах, ГIалгIайчен кьона гимнасташ гулбелар республикан хьалха-

ле кьовса. Низа а хозала а цIай дIадихъар, Магасерча Йовлой Берда цIерагIча спорта цIагIа. Цига дакъа лоацаш хилар 200 совгIа еригача республикера кьона спортсменаш, цар хьагойтар лакха говзал.

Котбаьннарашта цхьацца совгIаташ делар, дипломаш, кубкаш, майдилгаш елар. Уж яхъаш вIашагIьехкар яр «Гимнастикан академи» оала ДО АНО (деша даха ха яланза долча берий къаьстта йола, ахча даккхар-

ца ювзаенна йоаца моттиг), иштта моттигера «Росси» яха спортивни юкьара отделени», - аьлар «Сердало» газетига ГIалгIайчен физически культуран, спорта министерстве.